


83-~~76~~

Z-44

1415



2011

2003

ԹԻՖԼԻՍԻ ՀԱՅՈՑ ՀՐԵՏԱՐԱԿԱԿԱՆ ԸՆԿԵՐՈՒԹԻՒՆ



№ 154

ՎԻԼՀԵԼՄ ՀԱՌԻՓ

83-3
244 W

ԵՐԻՏԱՍԱՐԴ ԱՆԳԼԻԱՑԻՆ

Թարգմ. օր. զ. Տ.—Ն.

1002
5041



Թ Ի Ֆ Լ Ի Ս

Տպար. Կ. Մարտիրոսեանցի || Կոնպոզ. Կ. Մարտիրոսեանցի.

Орбелиановская ул., д. № 1/2.

1899.

278

Дозволено цензурою. Тифлисъ, 11 ноября 1898 г.



ՆՐԻՏԱՍԱՐԴ ԱՆԳԼԻԱՅԻՆ

Վերմանիայի հարաւային մասում մի փոքրիկ քաղաք կայ Գրիւնվիդէր անունով: Քաղաքի արտաքինը այնպէս է՝ ինչպէս միւս բոլոր փոքրիկ քաղաքներինը. — քաղաքի մէջ տեղումը շուկայի փոքրիկ հրապարակն է, ուր և ջրհոր կայ. հրապարակից ոչ հեռու գտնուում են հաշտարար դատարանի և ամենից հարուստ վաճառականների տները, իսկ մնացած բնակիչներն ապրում են քաղաքի մի քանի նեղ ու լիտ ընկած փողոցներում: Այստեղ ամենքը ճանաչում են իրար. ամեն մէկը գիտէ, թէ ինչ է կատարում իւր դրացու տանը. և նոյն-իսկ երբ քահանայի, քաղաքագլխի և կամ բժշկի խոհանոցում մի նոր կերակուր է պատրաստուում ճաշի համար՝ արդէն ամբողջ քաղաքին յայտնի է լինում այդ բանը: Ճաշից յետոյ քաղաքի տիկիները ըստ սովորութեան այցելում են միմեանց և սուրճի գաւաթները առաջներին դը-

րած՝ խօսում, դատում են քաղաքի երևելի անց-
քերի մասին: Չատ խօսելուց յետոյ, վերջապէս
ամենքը դալիս են այն եզրակացութեան, թէ
շատ հաւանական է, որ վիճակախաղի ժամա-
նակ քահանան անբարեխղճութեամբ տարաւ. որ
քաղաքագլուխը սկսել է կաշառքներ ուտել. որ
դեղագործը կաշառել է բժշկին, որպէսզի վեր-
ջինս հիւանդների համար թանգ թանգ դե-
ղեր նշանակէ: Ուրեմն կարող էք երևակայել,
թէ որչափ անհաճոյ բան էր Գրիւնվիգէլի պէս
բարեկարգ քաղաքի բնակիչների համար այն
հանգամանքը, որ քաղաք եկաւ մի մարդ՝ որի
մասին ոչ ոք ոչինչ չգիտէր. ո՛չ գիտէին, թէ
որտեղից է եկել, ո՛չ թէ ինչի է եկել, և ոչ
էլ՝ թէ ինչով է ապրում: Ճիշտ է, քաղաքա-
գլուխը տեսել էր նրա անցագիրը և մի անգամ
բժշկի մօտ սուրճ խմելիս յայտնել էր, որ ան-
ցագիրը բոլորովին կանոնաւոր է. բայց միւսնոյն
ժամանակ նկատել էր, որ ինքը այնքան էլ լաւ
բան չէ համարում մի անծանօթ մարդու իրանց
քաղաքում ապրելը, և որ նա բաւական կաս-
կածելի մարդ է երևում իւր աչքին:

Քաղաքագլուխը քաղաքի առաջին մարդն
էր. հասկանալի է ուրեմն, թէ ինչո՞ւ նրա խօս-
քերից յետոյ ամենքն էլ սկսեցին նոր եկողի
վրայ ծուռ աչքով նայել: Ճիշտն ասած՝ ան-

ծանօթն իրան այնպէս էր պահում, որ աւելի
էր հաստատում իւր մասին եղած կասկածները:
Նա մի մեծ տուն էր վարձել, որը մինչև այդ
ոչ ոք չէր բռնում, այնտեղ էր փոխադրել մի սալ
լիքը զանազան օտարոտի բաներ և սկսել էր
ապրել ճգնաւորի պէս: Նա ինքն էր իւր հա-
մար կերակուր պատրաստում և բացի մի գրիւն-
վիգէլցի ծերունուց՝ ուրիշ ոչ ոքի չէր ընդունում:
Այդ ծերունին ամեն առաւօտ շուկայից նրա
համար ուտելիքի պաշարեղէն էր առնում բե-
րում, բայց երբէք չէր մտնում տան ներսի սե-
նեակները. տանտէրը նրան ընդունում էր նա-
խասենեակում, ձեռքից առնում գնած բաներն
և իսկոյն արձակում:

«Նորեկը», ինչպէս անուանում էին նրան
քաղաքում՝ ամենքի համար մի կատարեալ հա-
նելուկ էր: Ճաշից յետոյ ո՛չ ուրիշների պէս կեզլի
խաղալու էր գնում և ոչ էլ երեկոները ճաշա-
բան մտնում՝ լրագրական նորութիւնների մա-
սին զրոյց անելու: Ի գուր էին քաղաքագլուխը,
դատաւորը, բժիշկն ու քահանան նրան հեր-
թով իրանց մօտ ճաշի կամ սուրճի հրաւիրում
— նա ո՛չ մի հրաւեր չընդունեց: Հէնց այդ
պատճառով ոմանք նրան խելագար էին անուա-
նում, ոմանք հրէայ էին համարում և վերջա-

պէս ոմանք էլ պնդում էին, թէ նա կամ կախարդ է և կամ դրա նման մի բան:

Անցաւ ութ թէ տասը տարի, բայց քաղաքում նրան դեռ էլի «նորեկ» էին անուանում:

Մի անգամ Գրիւնվիգէլ եկան մի քանի ծաղրածուներ: Նրանք իրանց հետ բերել էին և սովրացրած կենդանիներ—ուղտ, արջ և մի քանի շուն ու կապիկ: Ուղտը գլուխ էր տալիս, արջը պարում էր, իսկ շներն ու կապիկները մարդու շորերով էին: Քայց այդ բոլոր կենդանիների մէջ ամենից նշանաւորը օրանգ-ուտանգ կոչուած կապիկն էր. նա համարեա մարդու հասակ ունէր, ման էր գալիս երկու ոտների վրայ և զանազան ծիծաղաշարժ բաներ էր անում: Ծաղրածուները քաղաքում շրջում էին փողոցից փողոց, ճանապարհների ու հրապարակների մէջ տեղում կանգ էին առնում և ցոյց էին տալիս իրանց ձեռնածուլիւնները և յետոյ հանդիտեսներից փող ժողովում: Մի անգամ նրանք կանգ առան և «նորեկի» տան առաջ: Հէնց որ նրանց երաժշտութեան սուր ձայները հնչեցին՝ «նորեկը» խոժոռած դէմքով եկաւ կանգնեց լուսամտի առաջ. սակայն նրա դէմքն իսկույն պալծաւացաւ, և ի զարմանս ամենքի՛ լուսամտի առաջ նա կանգնած մնաց մինչև ներկայ-

ացման վերջը: Օրանգ-ուտանգի ծաղրալի շարժումների վրայ նա սրտանց ծիծաղում էր, և երբ ներկայացումը վերջացաւ՝ նա ծաղրածուներին մի այնպէս մեծ արծաթ փող ձգեց, որ ամբողջ քաղաքն սկսեց խօսել նրա այդպիսի առատաձեռնութեան վրայ: Հետևեալ առաւօտը ծաղրածուները քաղաքից հեռացան: Ուղտի վրայ բարձած էին բազմաթիւ կողովներ, որոնց մէջ հանգիստ տեղաւորուած էին կապիկներն ու շները, իսկ տէրը օրանգ-ուտանգի հետ միասին գնում էին բոլորի յետևից: Քայց նրանց քաղաքից դուրս գալուց մի քանի ժամ էլ դեռ չէր անցել՝ որ «նորեկը» մարդ ուղարկեց փոստի կայարանը, ձիաներ պահանջեց և անմիջապէս ճանապարհ ընկաւ և գնաց նոյն ուղղութեամբ՝ որով ճանապարհ էին ընկել ծաղրածուները: Ամբողջ Գրիւնվիգէլը ալեկոծւում էր, որ չկարողացան իմանալ, թէ ո՛ր գնաց օտարականը: Արդէն գիշեր էր՝ երբ նա քաղաք վերադարձաւ. սակայն այժմ նա մենակ չէր. կառքի մէջ նրա հետ նստած էր և մի ուրիշ պարոն, որի բերանն ու ականջները կապած էին մետաքսեայ թաշկինակով, իսկ գլխարկը ծածկում էր ճակատը մինչև քիթը: Քաղաքի դռան մօտ կանգնած զրազիրը իւր պարտքը համարեց զիմել նոր ճանապարհորդին և խնդրել՝

որ ցոյց տայ անցագիրը. բայց նա մի ինչ-որ անձանօթ լեզուով խիստ կոպիտ պատասխանեց գրագրին:— Սա իմ ազգականն է, — ասաց «նորեկը», սիրալիր կերպով դիմելով պահապանին և նրա ձեռքի մէջ տահեցրեց մի քանի արծաթեայ դրամ. — նա դեռ գերմաներէն չգիտէ. մի քիչ առաջ սկսեց հայհոյել, որ մեզ այտեղ պահում են և թող չեն տալիս ազատ քաղաք մտնել:

— Օ՛, եթէ սա ձեր ողորմածութեան ազգականն է՝ — պատասխանեց պահապանը, — այն ժամանակ նա կարող է ազատ անցնել առանց անցագրի էլ: Նա անկասկած ձեզ մօտ պէտք է ապրի, այնպէս չէ:

— Անշուշտ, անշուշտ, — պատասխանեց ծերունին, — և հաւանաւիան է, որ շատ երկար մնայ Գրիւնվիլդէլում:

Պահապանն այս բացատրութիւնից բոլորովին գոհ մնաց, իսկ «նորեկն» իւր ազգականի հետ քաղաք մտան: Սակայն քաղաքագլուխն ու ամբողջ Գրիւնվիլդէլը սաստիկ անբաւական մնացին պահապանից. պէտք էր որ նա ազգականի ասածներից գոնէ մի քանի խօսք մըրտքումը պահէր, ասում էին նրանք. որովհետև դրանից կարելի կլինէր եզրակացնել, թէ ինչ ազգութեան է պատկանում «նորեկը» և նրա

ազգականը: Բայց պահապանը հաւատացնում էր, որ նրա լեզուն ոչ Ֆրանսերէն էր, ոչ իտալերէն, և աւելի անգլիերէնի էր նման, և եթէ չէ սխալուած՝ պատանի պարոնն ասաց «Goddam!» Այսպիսով՝ պահապանի շնորհիւ նորեկը հռչակուեց իբր անգլիացի, և քաղաքում խօսակցութեան միակ առարկան այս երիտասարդ անգլիացին էր:

Երիտասարդ անգլիացին նոյնպէս ոչ մի տեղ չէր դուրս գալիս: Նա ևս չէր գնում ոչ կէզլի խաղալու և ոչ էլ գարեջուր խմելու, բայց և այնպէս նա հասարակութեան խօսելու անսպառ նիւթ էր տալիս: Երիտասարդի Գրիւնվիլդէլ եկած օրից «նորեկի» տան մէջ այլ ևս չէր թագաւորում առաջուայ խորին լուռութիւնը. ընդհակառակը, յաճախ փողոցում լսելի էին լինում սարսափելի աղաղակներ, այնպէս որ մարդկանց մեծ բազմութիւն էր հաւաքում նրա տան առաջ՝ աղմուկի պատճառը իմանալու: Տեսնում էին, թէ ինչպէս երիտասարդ անգլիացին կարմիր ֆրակ և կանաչ վարտիք հագած, մագերը գզգզած, սարսափելի դէմքով վազվզում էր սենեակներում և մի կամ միւս լուսամուտին էր մօտենում, իսկ նրա ձերուսի քեռին, կարմիր խալթը հագին և մի մտրակ էլ ձեռին՝ գնում էր նրա յետևից:

Մեծ մասամբ նա չէր կարողանում խփել նրան. բայց դուրսը կանգնած մարդկանց այնպէս թուաց, թէ ձերուներն վերջապէս բռնելէ պատանուն, որովհետև ներսից լսում էին մտրակի հարուածների ու սուր ձիչերի ձայներ: Քեռու խիստ վարմունքը գրգռեց ընդհանուր գայլույթ: Մանաւանդ դժգոհ էին կանայք. նրանք մինչև անգամ համոզեցին քաղաքագլխին որ միջամտէ: Վերջինս «նորեկին» բաւական խիստ ոճով մի նամակ գրեց, որի մէջ նախատում էր ձերուներն՝ իւր ազգականի հետ տմարդի վարուելուն համար և սպառնում էր, որ եթէ նոյնանման տեսարաններ դարձեալ կրկնուին՝ այն ժամանակ նա պատանուն իւր հովանաւորութեան տակ կառնէ:

Ո՛րքան մեծ եղաւ քաղաքագլխի զարմանքը. — «նորեկը» տասը տարի քաղաքում ապրելուց լետոյ՝ յանկարծ մի օր այցելութեան եկաւ նրա մօտ: Ծերուներն բացատրեց, որ ստիպուած է խիստ վարուել իւր ազգականի հետ, որովհետև այդպէս են ցանկանում նրա ծնողները, որոնք պատանու կրթութիւնը իրան են յանձնել:

— Նա շատ խելօք և ընդունակ տղայ է, — ասում էր քեռին, — միայն դժուարութեամբ է լեզուներ սովորում, այն-ինչ ես սաստիկ ցանկանում եմ, որ նա շուտով սկսի գերմաներէն

խօսել. այն ժամանակ բաւականութիւն կունենամ նրան դուրս բերել Գրիւնվիդէլի հասարակութեան մէջ: Միայն ափսոս, որ գործը շատ դանդաղ է առաջ ընթանում, ուստի և մի-մի անգամ, թէև ակամայ՝ ստիպուած եմ լինում գլխով մտրակի օգնութեան:

Քաղաքագլուխը լիովին բաւականացաւ այս բացատրութիւնից, բայց և այնպէս խորհուրդ տուեց՝ ներողամիտ լինել ղէպի իւր պատանի հիւրը. իսկ երեկոյեան, զարեջուր խմելիս, քաղաքագլուխն ամենքին պատմեց, որ այնպիսի կրթուած ու քաղցրաբարոյ մարդ, ինչպիսին «նորեկն» է՝ ինքը շատ քիչ է տեսել:

— Չատ ցաւում եմ, աւելացրեց քաղաքագլուխը, որ նա հասարակութիւնից հեռու է պահում իրան. ես յոյս ունիմ, որ երբ նրա ազգականը սկսի մի փոքր գերմաներէն խօսել՝ ձերուներն յաճախ կայցելէ իմ տունը:

Այս ղէպքի շնորհիւ Գրիւնվիդէլում հասարակական կարծիքը յանկարծ բոլորովին փոխուեց «նորեկի» մասին: Նա հռչակուեց մի պատուելի անձն. ամենքը սաստիկ փափագում էին մօտիկից ծանօթանալ նրա հետ, և ոչ ոք այլ ևս չէր գայրանում՝ երբ ժամանակ առ ժամանակ դատարկ տնից սարսափելի ձայներ էին լսում:

— Ծերունին գերմաներէն լեզուի դաս է տալիս իւր ազգականին, ատում էին գրիւնվի-
զէլցիք և շարունակում իրանց ճանապարհը:

Երեք ամսից յետոյ գերմաներէն լեզուի դասերն ըստ երևոյթին դադարեցին, որովհետև ծերունին սկսեց զբաղուել պատանուն աւելի լայն կրթութիւն տալով, պատանի անդլիացու համար նա այժմ պարի ուսուցիչ հրաւիրեց: Այդ միջոցին Գրիւնվիզէլում ապրում էր մի ծեր Ֆրանսիացի, որ տեղացի երիտասարդներին պարի դասեր էր տալիս: Ծերունին այս Ֆրանսիացուն հրաւիրեց իւր մօտ և առաջարկեց պար սովորեցնել իւր ազգականին: Նախ քան դասերն սկսուելը՝ ծերունին զգուշացրեց Ֆրանսիացուն ասելով, որ պատանին ամեն բանի մէջ թէև շատ ընդունակ է՝ բայց պարի վերաբերմամբ փոքր ինչ յամառ է:

Ծերունին յայտնեց և այն, որ անգլիացին առաջ պարի ուսուցիչ ունեցել է, բայց վերջինս սովորեցնելիս է եղել այնքան օտարոտի կերպով, որ այժմ մատաղահաս երիտասարդը իւր իմացած պարով անկարող է հասարակութեան մէջ դուրս գալ: Չնայելով սորան՝ ազգականը իրան երևելի պարող է երևակայում, մինչդեռ նրա պարը ամենափոքր նմանութիւն անգամ չունի վալսի, գալօպի և կամ այստեղ ընդունուած մի

որևէ ուրիշ պարի: Ծերունին խոստացաւ ամեն մի դասի համար մի տալէր վճարել, և պարի ուսուցիչը մեծ բաւականութեամբ համաձայնուեց պարապել նրա յամառ սանի հետ:

Փրանսիացին իբր խոստովանանք պատմում էր, որ դեռ երբէք ինքը գործ չէ ունեցել մի այդպիսի օտարոտի աշակերտի հետ: Վերջինս բաւական բարձրահասակ, վայելչակազմ մարդ է, փոքր ինչ կարճ ոտներով, միշտ դալիս է դասին՝ մաղերը հրաշալի դանդուրներ շինած, կարմիր Ֆրակով և մաշկէ ձեռնոցներով: Խօսելիս նկատուում է նրա օտարազգի արտասանութիւնը. դասի սկզբում իրան պահում է բաւական վայելուչ և քաղաքավարի, բայց յետոյ սկսում է ամենատղեղ քայլեր (պա) անել և այնպէս ցատկել, որ նրան նայելիս մարդու աչքերը բոլորովին մթնում են: Իսկ երբ ինքը ուսուցիչը կամենում է նրան դադարեցնել՝ այն ժամանակ աշակերտը բարկութիւնից հանում է ոտներից պարի կօշիկները, խփում է ծեր ուսուցչի գլխին և սկսում չորս ոտների վրայ վազվզել սենեակում: Աղմուկի միջոցին սովորաբար ներս է մտնում ծերունի քեռին, կարմիր լայն խալաթ հագած, գլխին ոսկեգոյն թղթից գլխարկ, և իսկոյն գործ է դնում իւր մտրակը: Պատանի ազգականն այն ժամանակ սկսում է սաստիկ լաց լի-

նել, բարձրանում է սեղանների վրայ, պահա-
րանների գլուխը, մինչև անգամ փորձում է նրա-
տել վարագոյրների փայտերի վրայ և սկսում է
խօսել մի բոլորովին անհասկանալի և օտարօտի
լեզուով. բայց խալաթը հագին ծերունին այդ
բոլորին ուշադրութիւն չէ դարձնում. բռնում է
նրա ոտից, գցում յատակի վրայ և մտրակով լաւ
ծեծելուց յետոյ, պինդ կապում նրա փողպատը.
պատանին դարձեալ դառնում է հնազանդ և
քաղաքավարի: Այնուհետև դասը շարունակուում
է առանց ընդհատումների:

Բայց երբ վերջապէս պարի ուսուցիչը սովորեցրեց իւր աշակերտին պարել երաժշտութեան ներդաշնակութեամբ՝ ազգականը, կարծես թէ, վերածնուեց:

Վարձեցին քաղաքային երաժիշտներից մէկին. նա դասի միջոցին նստում էր դատարկ տան դահլիճի սեղանի վրայ. ծերունի ուսուցիչը ներկայանում էր իբր տիկին—նորեկը ստիպում էր նրան մետաքսեայ շրջագգեստ հագնել և վրան էլ հնդկական շալ գցել. պատանի ազգականը մօտենում էր նորան վալ'ս պարելու, և սկսում էին պտտուել: Գոթախտաբար երիտասարդ անգլիացին երբէք պարելուց չէր յոգնում, նա մինչև անգամ մի մոլի պարող էր: Նա ուսուցչին բաց չէր թողնում իւր երկար ձեռների մի-

ջից, չնայելով խեղճի յոգոցներին ու տնքոց-
ներին, և այն աստիճան պտտացնում էր, որ
կամ նա սաստիկ յոգնածութիւնից գետին էր փռու-
վում և կամ քաղաքային երաժշտի ձեռքը հրա-
ժարում էր այլ ևս ջութակի աղեղը (СМЫЧКЪ)
բռնել: Խեղճ Փրանսիացին բոլորովին ոչժից ըն-
կնում էր, սակայն այն տալէրը, որ ճշտու-
թեամբ ստանում էր ամեն օր դասից յետոյ, և
այն լաւ զինին, որով ծերունին հիւրասիրում
էր նրան՝ ստիպում էին նրան մոռանալ կրած
բոլոր տանջանքները, և նա նորից գնում էր
դասի, թէև դեռ նախընթաց օրը ինքն իրան
խօսք էր տուած լինում՝ երբէք այլ ևս չերևալ
դատարկ տան մէջ: Սակայն գրիւնվիզիցիք
բոլորովին գործին այլ կերպ էին վերաբերում. —
նրանք երիտասարդ անգլիացու մէջ մեծ ընդու-
նակութիւններ էին տեսնում, այնպիսի ընդու-
նակութիւններ, որոնց շնորհիւ նա յաջողու-
թիւն կունենայ հասարակութեան մէջ, իսկ
քաղաքի կանայք, տղամարդկանց պակասութեան
պատճառով, նախօրօք ուրախանում էին, որ
առաջիկայ ձմեռը մի այնպիսի ճարպիկ պարող
պիտի ունենան:

Մի գեղեցիկ առաւօտ խոհարար կանայք
շուկայից տուն վերադառնալիս, մի դարմանալի
նորութիւն հաղորդեցին իրանց տիկիւններին:

չէր կարելի անուանել. դէմքի ստորին մասը, մանաւանդ ներքին ծնօտը, չափազանց դուրս պրծած էր, երեսի գոյնը սաստիկ մուգ, և բացի դրանից, նա երբեմն դէմքի վրայ զարմանալի ծամածուծիւններ էր անում, աչքերը փակում էր, ատամները բաց անում և այլն: Քայց և այնպէս՝ ամենքն ևս կարծում էին, թէ նա մի անսովոր հետաքրքրական դէմք ունի: Չէր կարելի մի աւելի շարժուն և ճարպիկ մարդ երեւակայել, ինչպիսին երիտասարդ անգլիացին էր: Նրա հագուստը թէև վրան լաւ չէր նստում, բայց շատ լաւ սագում էր: Նա վերին աստիճանի աշխուժ էր և ամենքի տանը իրան անչափ ազատ էր պահում. պառկում էր բազմոցի վրայ, նստում բազկաթուռի մէջ և երկարումէկ ձգւում: Եւ այն, ինչ որ մի ուրիշ երիտասարդի համար անվայել ու կոպիտ բան կը նկատուէր՝ երիտասարդ անգլիացու համար եղակի մի ձև էր համարւում: «Ի՛հ, չէ՛ որ նա անգլիացի է, ասում էին գրիւնվիզիցիք, իսկ անգլիացիք ամենքն էլ այդպէս են: Անգլիացին կարող է պառկել և մինչև անգամ քնել այն միջոցին՝ երբ տասը տիկին ներկայ են և տեղ չունին նստելու: Այդպիսի դէպքերում նրանցից չպէտք է վերաւորուել»:

Քեռու վերաբերութեամբ երիտասարդը ի-

րան շատ մեծ ակնածութեամբ էր պահում, որովհետև հէնց որ նա սկսում էր սենեակում ցատկել և կամ պահանջ էր զգում ոտները բազկաթուռի վրայ դնելու՝ ծերունին իսկոյն նրա վրայ մի խիստ հայեացք էր զցում և նրան կարգի էր հրաւիրում: Աերջապէս ինչպէս կարելի է վերաւորուել մի դեռահաս պատանուց՝ երբ քեռին ինքը ամեն տեղ ասում էր տան տիկնոջ.

— Իմ ազգականը դեռ մի փոքր վայրենի և անտաշ է, բայց ես շատ բան եմ սպասում հասարակութիւնից. հասարակութիւնը նրան կը կրթէ և մանաւանդ ինձ կօգնէ սիրալիւր կերպով՝ նրան կրթելիս:

Այսպէս ուրեմն ազգականը վերջապէս հասարակութեան մէջ մտաւ: Ամբողջ այդ օրը և մինչև անգամ հետևեալ մի քանի օրերը Գրիւնվիզիւում միակ խօսակցութիւնը այդ դէպքն էր: Քայց ծերունին միայն սրանով չբաւականացաւ. կարծես թէ նա ինքն էլ այս անցքից լետոյ բոլորովին ուրիշ մարդ դարձաւ, — այնքան խիստ կերպով փոխեց նա իւր առաջուայ կեանքի եղանակը: Ամեն օր ձաշից լետոյ նա իւր ազգականի հետ գնում էր սարի վրայի գարեջրատունը, ուր Գրիւնվիզիւի նշանաւոր քաղաքացիք հաւաքւում էին գարեջուր խմելու և զուարճանում կէզլի խաղալով: Ծերունու ազգականը երևելի

խաղացող դուրս եկաւ. նա երբէք հինգ կամ վեց կէզլից պակաս չէր վէր գցում: Բայց երբեմն նա մի տեսակ օտարոտի տրամագրութեան մէջ էր ընկնում. սկսում էր ամեն տեսակ լիմարութիւններ անել, կամ յանկարծ ինքն էլ գունդի հետ միասին սկսում էր գլորուել կէզլբանի վրայով, կամ երբ ութ կէզլի միանգամից էր վէր գցում՝ կանգում էր գլխի վրայ, ոտները վեր բարձրացնում և ապա սկսում գլորուել: Պատահում էր, որ երբ այդպէս գլորուելիս անցնում էր նա կառքի մօտով՝ ցատկում էր յանկարծ կառքը, նստում կառապանի տեղում և սկսում դանազան ծամառճուութիւններ անել, մի փոքր ժամանակ անցնելուց յետոյ նա դարձեալ գլորուելով վերադառնում էր գարեջրատուն:

Այսպիսի դէպքերում քեռին սովորաբար ներողութիւն էր խնդրում քաղաքագլխից և բոլոր միւս ներկայ եղողներից իւր ազգականի անկրթութեան համար:

Բայց նրանք միայն ծիծաղում էին նրա արարքների վրայ, այդ վերագրելով նրա ջահելութեան, և հաւատացնում էին որ իրանք էլ այդ հասկում նոյնպիսի չարածճիւններ էին՝ ինչպիսին է անգլիացին: Եւ «չարածճին», ինչպէս անուանում էին նրան՝ մնում էր ընդհանուրի սիրելին:

Սակայն լինում էին նաև դէպքեր՝ երբ նրա վրայ լաւ բարկանում էին, բայց և այնպէս ոչ ոք չէր համարձակում նրա մասին վատ խօսք ասել, որովհետև երիտասարդ անգլիացու խելքն ու կրթութիւնը ամենքին յայտնի էին: Այսպէս, օրինակ, երբ յաճախ երեկոները քեռին տանում էր նրան իւր հետ «Պսկեղնիկ» կոչուած հիւրանոցը՝ անգլիացին, չնայելով որ դեռ բոլորովին պատանի էր՝ բայց իրան ճիշտ այնպէս էր պահում՝ ինչպէս հասակաւորները: Նա էլ իւր համար մի գաւաթ զարեջուր էր պահանջում, մեծ-մեծ ակնոյնքեր դնում քթին, գրպանից հանում երկար չիբուխը, վառում և սկսում ծխել ու ամենքից աւելի ծուխ անել: Իսկ երբ խօսակցութիւնն անցնում էր լրագրական նորութիւններին, օրինակ, երբ վիճում էին, պատերազմ կը լինի թէ ոչ, և բժիշկն ու քաղաքագլուխը յայտնում էին իրանց կարծիքները, իսկ միւսները բարձրաձայն արտայայտում էին իրանց զարմանքը նրանց երկուսի խելքի ու նրբամտութեան վրայ՝ յանկարծ «նորեկի» պատանի ազգականի խելքին փչում էր մի բոլորովին հակառակ կարծիք յայտնել:

Նա ձեռքով, որից երբէք ձեռնոցը չէր հանում՝ պինդ խփում էր սեղանին և առանց քաշուելու հասկացնում քաղաքագլխին և բը-

ժշկին, որ այդ բաներում նրանց խելքը ոչինչ չէ կտրում և որ ինքը գործին լաւ տեղեակ է աւելի ճիշտ աղբիւրներից: Յետոյ նա կոտորտուած գերմաներէն լեզուով արտայայտում էր իւր սեփական կարծիքը, և ամենքը, ի մեծ ցաւ քաղաքագլխի, նրա կարծիքը համարում էին հիանալի:

— Չէ որ նա իբր անգլիացի այդ բաներին աւելի լաւ ծանօթ պէտք է լինի, ասում էին նրանք:

Եւ երբ բժիշկն ու քաղաքագլուխը թաղցնելով իրանց զայրույթը, նստում էին շախմատ խաղալու, ազգականը, կարծես բոլորովին անպարտ, մեծ-մեծ ակնոցները քթին դրած, մօտենում էր խաղացողներին և նայում նրանց խաղին, յանդիմանում էր քաղաքագլխին, որ խաղալ չգիտէ, և ցոյց էր տալիս բժշկին, թէ նա ինչպէս պէտք է քայլ անէ: Այս բանը մանաւանդ երկուսին էլ ամենից աւելի էր բարկացնում: Իսկ երբ քաղաքագլուխը, արդէն բարկացած, առաջարկում էր նորան իւր հետ խաղալ, հաստատ համոզուած լինելով, որ անպատճառ կը յաղթէ՝ այն ժամանակ «նորէկ» ծերունին աւելի ևս պինդ էր կապում նրա փողպատը, և պատանին կրկին քաղաքավարի էր դառնում, նստում էր քաղաքագլխի դիմաց և նրան սպառ-

նալիքներ անում: Մինչև այդ՝ Գրիւնվիգէլում համարեա ամեն երեկոյ կէս կոպէկով թուղթ էին խաղում. բայց անգլիացին յայտնեց, որ կէս կոպէկով խաղը իւր համար չնչին բան է: Նա ինքը միշտ մանէթներ և ոսկէ դրամներ էր վէր գալիս, և ասում էր որ ոչ ոք իւր հետ չէ կարող մրցել. վերաւորուած խաղացողները ակամայ հաշտուած էին նրա հետ հէնց միայն այն պատճառով, որ նա ահագին գումարներ էր տանուլ տալիս: Այդ բանի համար ոչ ոք չէր խղճահարւում. աշխատում էին որքան կարելի է աւելի փող տանել նրանից: «Չէ որ նա անգլիացի է, իսկ այդ անգլիացիները իրանք էլ չգիտեն, թէ ինչ անեն իրանց փողերը», ասում էին գրիւնվիգէլցիք և հանգիստ սրտով նրա փողերը դնում իրանց գրպանները:

Այս բոլորի շնորհիւ կարճ միջոցում «նորէկի» ազգականը ընդհանուրի յարգանքին արժանացաւ: Գրիւնվիգէլում դեռ երբէք մի այդպիսի երիտասարդ չէին տեսել: Ճիշտն ասած՝ ըստ երևույթին, նա բացի պարից ոչինչ չէր սովորել. լատիներէն և լոնարէն լեզուները նրա համար, ինչպէս կասեն՝ չինական այլուրեն էր: Մի անգամ քաղաքագլխի տանը երեկույթի ժամանակ երիտասարդները մի խաղ սարքեցին. պատանի անգլիացին, որ մասնակցում

էր՝ պէտք է մի բան գրէր, բայց բանից դուրս եկաւ, որ նա մինչև անգամ իւր սեփական անունը չգիտէր գրել: Աշխարհագրութեան մէջ էլ նա բոլորովին տշէտ էր. նրա համար ոչ մի նշանակութիւն չունէր գերմանական քաղաքը Փրանսիա տեղափոխել և կամ դանիականը Ղեհաստան: Նա ոչինչ չէր կարդացել, ոչինչ չէր սովորել, և քահանան քանի քանի անգամ գլուխը շարժել էր այս երկտասարդի տղիտութեան վրայ: Քաց չնայելով այս բանին, բոլորը ինչ որ նա անում էր կամ խօսում՝ ամենքի աչքում հիանալի բան էր երևում, որովհետև նա չափազանց հաւատացած էր խօսում և միշտ կամենում էր ինքը իրաւացի լինել: «Սյգ արդէն ես լաւ գիտեմ», նա միշտ այսպէս էր վերջացնում իւր խօսքը: Չմեռն եկաւ, և պատանի անգլիացին երևաց իւր ամբողջ փայլով: Ոչ մի երեկոյթ չէր կայանում առանց նրան: Երբ նա չէր լինում՝ ամենքը տխրում էին. խելօք մարդու խօսելիս համարեա ամենքը յօրանջում էին: Մինչդեռ, ընդհակառակը, երբ երկտասարդ անգլիացին սկսում էր գերմաներէն լեզուով կոտրտելով ամեն տեսակ լիմարութիւններ դուրս տալ՝ այն ժամանակ ամենքը լսելիք էին դառնում: Քանից դուրս եկաւ, որ այս գարմանալի երկտասարդը բանաստեղծ էլ էր:

Օր չէր անցնում, որ նա երեկոյեան յուշատետրը չհանէր գրպանից և հասարակութեան առաջ չկարդար մի քանի սօսէտներ. լիրաւի, գտնում էին մարդիկ, որ պնդում էին, թէ նրա բանաստեղծութիւններից մի քանիսը՝ վատ են, բոլորովին զուրկ են մտքից, իսկ ուրիշներն էլ ասում էին, որ այդ բանաստեղծութիւնները արդէն տպագրուած են եղել. բայց երկտասարդ անգլիացին այս խօսքերից ամենեւին չէր քաշուում, շարունակում էր կարդալ իւր շարադրութիւնները և միևնոյն ժամանակ ներկայ եղողների ուշադրութիւնը դարձնում նրանց գեղեցկութեան վրայ ու ամեն անգամ արժանանում բարձր ծափահարութիւնների:

Քաց անգլիացու համար ամենից գլխաւոր տօնը Գրիւնվիդէլի պարահանդէսներն էին: Ոչ ոք չէր կարողանում նրա պէս առանց յոգնելու երկար պարել: Ոչ ոք չէր կարողանում այնպէս վստահ և վայելուչ ոտիւններ անել՝ ինչպէս նա: Քեռին էլ նրան շատ լաւ էր հազցնում և վերջին մօղայով, և թէև հագուտը նրա վրայ այնպէս էր լինում նստած, որ կարծես կախարանից կախած լինի՝ բայց և այնպէս ամենքը ստում էին, որ նա շատ ու շատ գեղեցիկ է այդ շորերով: Չմոռանանք ասել, որ այս պարահանդէսների ժամանակ էլ տղամարդիկ շատ յա-

ճախ գանազան վիրաւորանքներ էին կրում նրանից: Առաջ միշտ քաղաքազուլուն էր բաց անում պարահանդէսը, իսկ քաղաքի նշանաւոր երիտասարդները կարգադրում էին պարերը. բայց այն օրից որ երիտասարդ անգլիացին յայտնուեց՝ ամեն բան ուրիշ ընթացք ստացաւ: Առանց երկար մտածելու՝ նա առաջին պատահած տիկնոջ հրաւիրում էր իւր հետ պարել. կանգնում էր նրա հետ միասին առաջին տեղում և սկսում էր պարել՝ ինչ որ ինքն էր կամենում և առհասարակ իրան այնպէս էր պահում, որ կարծես թէ պարահանդէսի կարգադրիչը կամ թագաւորը ինքը լինէր: Եւ որովհետեւ տիկիններին այդ բանը շատ էր դուր գալիս, ուստի տղամարդիկ ստիպուած զսպում էին իրանց բարկութիւնը առանց մի բան ասելու, իսկ անգլիացին ամեն տեղ շարունակում էր իւր կարգադրութիւնները, կարծես իրանց տանը լինէր:

Այս բոլորը ամենից աւելի ծերունի քեռուն էր ուրախացնում. նա երբէք աչքը սանից չէր հեռացնում և ամբողջ ժամանակ ժպիտը խաղում էր նրա շրթունքների վրայ: Իսկ երբ միւս հիւրերը մօտենում էին նորան, որ արտայայտեն իրանց հիացմունքը բարեկիրթ և ապագայի համար շատ խոստումներ տուող երիտասարդից՝ այն ժամանակ ծերունին գլուխը ուրախութիւ-

նից բոլորովին կորցրած՝ բարձրաձայն ծիծաղից քիչ էր մնում թէ մեռնէր: Բայց գրիւնվիզէլցիք ծերունու ուրախութեան այս մեծ արտայայտութիւնները վերագրում էին նրա դէպի իւր ազգականն ունեցած չափազանց մեծ սիրուն և այդ շատ բնական բան էին համարում:

Սակայն այնու ամենայնիւ նա դեռ ժամանակ առ ժամանակ իւր սանին հայրական խրատներ էր տալիս: Բայց զարմանալին այն է, որ երբեմն պարի ամենաթունդ միջոցին երիտասարդ անգլիացու խելքին փչում էր մի որևէ չար միտք, օրինակ նա մի յանդուգն ուստիւնով ցատկում էր էստրադի վրայ, ուր սովորաբար նրստում էին երաժիշտները, խլում էր կօնտրբասի ձեռքից աղեղը և սկսում ոչ թէ նուագել, այլ իսկ և իսկ սգոցել. կամ յանկարծ սկսում էր գլորուել և կամ ոտները դէպի վեր բարձրացրած՝ ձեռների վրայ պարել. այսպիսի դէպքերում քեռին սովորաբար նրան մի կողմն էր տանում, խիստ յանդիմանում և հէնց այստեղ էլ ձգում նրա փողպատը, որից յետոյ երիտասարդը նորից սկսում էր իրան լաւ պահել:

Անգլիացին հասարակութեան մէջ իրան ահա այսպէս էր պահում: Ինչպէս յայտնի է՝ վատ բարքերը աւելի արագ են իւրացնում մարդիկ, քան թէ լաւերը. ամեն մի նոր, աչքի

ընկնող ձև, ինչքան էլ ծաղրելի է լինում՝ բայց և այսպէս իւր մէջ մի ինչ-որ գրաւիչ բան է ունենում այն ջահէլների համար, որոնք ղեռ սովոր չեն ինքնուրոյն գատելու: Անգլիացու շնորհիւ նոյնը պատահեց նաև Գրիւնվիդէլում: Երբ տեղացի երիտասարդները տեսան, թէ նա իւր տձև մարմնով, կոպիտ ծիծաղով և շատախօսութեամբ ոչ միայն ոչ ոքի նախատինքին չէ արժանանում, այլ ղեռ գովասանքներ էլ է ստանում և որ նրա արած բոլոր լիմարութիւնները համարում են սրամիտ և ինքնուրոյն գործեր՝ սկսեցին նոյնպէս մտածել. «այս բաները մենք էլ կարող ենք անել և ղեռ նրանից էլ աւելի լաւ»: Նրանք բոլորն էլ աշխատասէր և լաւ բաներով հետաքրքրուող երիտասարդներ էին, իսկ այժմ այսպէս էին գատում. «Մեր ինչի՛ն է պէտք գիտութիւնը, երբ մինչև անգամ անկիրթ լինելով էլ կարելի է յաջողութիւն ունենալ»: Նրանք գէն շարտեցին իրանց գրքերն և սկսեցին անգործ շրջել փողոցներում ու հրապարակներում:

Առաջ նրանք ամենքի հետ քաղաքավար և սիրալիր կերպով էին վարում, խօսում էին այն ժամանակ՝ երբ նրանց ղիմում էին մի որևէ հարցով և միշտ էլ պատասխանում էին համեստ ու խոհեմ կերպով: Իսկ այժմ նրանք

միշտ խառնում էին մեծերի խօսակցութեան մէջ, բարձրաձայն խօսում և արտայայտում էին իրանց կարծիքը, ծիծաղում էին մինչև անգամ քաղաքագլխի երեսին՝ երբ նա մի որևէ բան էր ասում՝ և ինքնահաւանութեամբ պնդում էին, որ իրանք ամեն ինչ զիտեն և զիտեն ուրիշներին շատ և շատ լաւ: Առաջ երիտասարդ գրիւնվիդէլցիք ատում էին այն բոլորը՝ ինչ որ կոպիտ է և անվայել. իսկ այժմ նրանք էլ էին զանազան անվայել երգեր երգում, ծխում և պանդոկներ յաճախում: Նրանք էլ գնեցին իրանց համար մեծ-մեծ ակնոցներ, չնայելով որ ղեռ լաւ տեսողութիւն ունէին. բայց կարծում էին, թէ ակնոցներով շատ ու շատ հետաքրքրական պէտք է լինէին. չէ՞ որ զրանով նրանք կնամանէին նշանաւոր անգլիացուն: Տանը թէ հիւր եղած ժամանակ՝ երիտասարդ գրիւնվիդէլցիք չէին քաշում ոտները զահաւորակի վրայ գնել, շատ անգամ էլ մեկնում էին բազկաթուռների մէջ կամ օրօրում աթուռների վրայ, միշտ արմուկները սեղանին կոթնած, իրանց երեսը յենում էին ձեռների վրայ — մի խօսքով շատ անտանելի կերպով էին պահում իրանց: Իգուր էին մայրերն ու բարեկամները նկատում, որ նրանց արածները լիմար և անվայել բաներ են. որդիքը, պատասխանի փոխարէն՝ անգլիա-

ցուն էին ցոյց տալիս: Ի զուր էին մեծերն ապացուցանում, որ այդ կոպտութիւնը անդլիացու բնածին յատկութիւնն է, ուստի և ներելի: սակայն երիտասարդ գրիւնվիղէլցիք պնդում էին, որ իրանք էլ ոչ պակաս իրաւունք ունին սրամիտ կոպտութիւններ անելու: Մի խօսքով՝ ցաւալի էր տեսնել, թէ ինչպէս Գրիւնվիղէլում, ծերունու սանի շնորհիւ՝ բարի բարքերն ու սովորութիւնները փոքր առ փոքր փչանում էին: Բայց երիտասարդութիւնը երկար չվալելոց այս ազատութիւնը: Հետեւեալ դէպքը յանկարծակի փոխեց իրերի դրութիւնը:

Չմեռնային գուարձութիւնները վերջանալու վրայ էին, և նրանց վերջ պէտք է դնուէր երաժշտական մի մեծ երեկոյթով, որին խոստացան մասնակցել թէ քաղաքային նուազախումբը և թէ Գրիւնվիղէլում երաժշտութիւն սիրող մի քանի անձինք: Քաղաքապետը ղիտէր շատ լաւ ածել վիօլօնչելի վրայ, բժիշկը՝ ֆագօտի, իսկ դեղագործը՝ ֆլէյտի, թէև երբեմն սխալուում էլ էր: Մի քանի օրիորդներ սովորեցին արիաներ երգել—մի խօսքով ամեն ինչ շատ լաւ կարգադրուած էր: Բայց մի օր յանկարծ ծերունի քեռին յայտնեց, որ թէև երեկոյթը, ըստ երևոյթին, հետաքրքրական պէտք է լինի, բայց ափսոս որ դուէտ չկայ, և որ լաւ

կազմուած երաժշտական երեկոյթները երբէք առանց դուէտի չեն լինում: Այս խօսքերը մասնակցողներին մի փոքր շփոթեցրին:

Քաղաքապետի աղջիկը, ճիշտ է, կատարեալ ստիակի պէս էր երգում. բայց ճրտեղ գտնէին և մի երիտասարդ, որ կարողանար նրա հետ դուէտ երգել: Մէկը մատնացոյց արաւ մի ծեր երաժշտի վրայ, որ երբեմն նշանաւոր բաս էր. բայց «նորեկը» յայտնեց, որ իզուր են դէս ու դէն ընկնում, քանի որ իւր ազգականը հիանալի երգել զիտէ: *V. A.*

Ամենքը մնացին զարմացած, երբ իմացան, որ երիտասարդ անգլիացին դեռ մի ուրիշ տաղանդ էլ ունի: Փորձի համար մի բան երգել տուին, և բացի մի քանի պակասութիւններից, որ նրա անգլիական ծագումով բացատրուեցան՝ յայտնուեց, որ նա հրեշտակի պէս է երգում: Դուէտը սովորելու համար սկսեցին փորձեր անել, և վերջապէս հասաւ երեկոյթի օրը, երբ գրիւնվիղէլցիների լսելիքը պէտք է հրճուէր հրաշալի նուազներով:

Անդ, իսեղճ քեռին չկարողացաւ վկայ լինել ազգականի այդ մեծ տօնին: Ծերունին այդ օրը հիւանդացաւ և ստիպուած էր պառկել, սակայն այնու ամենայնիւ նա չմոռացաւ իւր սանի վերաբերութեամբ մի քանի անհրաժեշտ

խրատներ տալ քաղաքագլխին, որ երեկոյթից մի ժամ առաջ եկել էր հիւանդին այցելելու:

— Քրոջս որդին շատ լաւ տղայ է, — ասաց ծերունին քաղաքագլխին, — բայց ժամանակ առ ժամանակ նա ընկնում է մի տեսակ անհասկանալի տրամադրութեան մէջ և սկսում է գանազան լիմարութիւններ անել: Ահա ինչում ես աւելի ևս ափսոսում եմ, որ չեմ կարող երե ոյթին ներկայ լինել: Նա միայն ինձնից է մի փոքր վախենում — մենք գիտենք, թէ ինչու. — սակայն ի պատիւ նրա պէտք է ասեմ, որ այս օտարոտի արարքները առաջ են գալիս ոչ թէ բարոյապէս փչացած լինելուց՝ այլ Ֆիզիքապէս հիւանդ դրութիւնից: Սա արդէն նրա կազմի մէջ է: Ուստի խնդրում եմ ձեզ, պարոն քաղաքագլուխ, երբ իմ սանը կսկսի նորից իւր լիմարութիւնները, օրինակ, երբ յանկարծ նրա խելքին փչէ պիւպիտրի վրայ բարձրանալ, կամ կօնդրբասի ձեռքից առնել գործիքը և նուազել՝ այն ժամանակ, բարի եղէք, մի փոքր թուլացրէք նրա փողպատը, իսկ եթէ այդ չօգնէ՝ բոլորովին հանեցէք: Յետոյ արդէն կտեսնէք, թէ նա ինչպէս կսկսի իրան հեզ և բարեկիրթ պահել:

Քաղաքագլուխը շնորհակալութիւն յայտնեց հիւանդին դէպի ինքը ունեցած այդպիսի

վստահութեան համար և խոստացաւ կատարել ծերունու բոլոր ասածները:

Երեկոյթի օրը դահլիճում ասեղ գցելու տեղ չկար. ներկայ էին ոչ միայն քաղաքացիք, այլ և երեք մղոն շրջակայքից եկել էին բոլոր որսորդները, քահանաները, ծառայողներն ու կալուածատէրերը՝ իրանց բազմաթիւ ընտանիքներով:

Գրիւնվիդէյցիները հետ միասին նրանք ևս ցանկացան հրճուել այս հազուագիւտ երեկոյթով: Քաղաքային նուազախումբը շատ հիանալի նուագեց. լետոյ դուրս եկաւ քաղաքագլուխը և Ֆլէյտի ներդաշնակութեամբ ածեց վիօլօնչելի վրայ: Ապա ծերունի բասը մեծ յաջողութեամբ երգեց մի արիա, իսկ բժիշկը նուագեց Փագօտի վրայ և նոյնպէս արժանացաւ բուռն ծափահարութիւնների: Երեկոյթի առաջին մասը վերջացաւ: Ամենքն անհամբերութեամբ սպասում էին երկրորդ մասին, երբ պատանի անգլիացին և քաղաքագլխի աղջիկը երկուսով դուէտ պէտք է երգէին:

Անգլիացին այդ օրը հագնուած էր շատ ճաշակով և արդէն վաղուց էր իւր վերայ դարձրել ամենքի ուշադրութիւնը: Առանց որևէ մէկից հարցնելու՝ նա պառկեց մի փափուկ բազկաթոռի մէջ, որ պատրաստուած էր մի դքսու-

Հու համար, (գ.քսուհին պէտք է զար Գրիւն-
վիզէլի շրջակայքից), շփեց ոտները և սկսեց
նայել հասարակութեան վերայ ակնոցների մի-
ջից մի ահագին դիտակով. նա միևնույն ժամա-
նակ խաղում էր մի մեծ շան հետ, որին հետը դահ-
լիճ էր բերել, ջնայելով որ այդ թռչ չէր տրուում:
Իսկ երբ գ.քսուհին եկաւ՝ նա ոչ միայն վեր
չկացաւ նրա տեղից, այլ ընդհակառակը, դեռ
աւելի ևս հանդիստ տեղաւորուեց նրա մէջ, և
ոչ ոք չհամարձակուեց նորան նկատողութիւն
անել: Ուտի գ.քսուհին պէտք է բաւականա-
նար մի հասարակ աթոռով և նստէր քաղա-
քացի միւս տիկիներէ կողքին, թէև այս նրա
համար մի շատ տհաճ բան էր: Քաղաքագլխի
հրաշայլ խաղի և ծեր երաժշտի սքանչելի ա-
րիայի ժամանակ, մինչև անգամ այն միջոցին,
երբ բժիշկը, փոխանակ ածելու ֆազօտի վրայ,
իրանից շարադրում էր, և ամենքը շունչը բռնած
լսում էին՝ դարձեալ պատանի անգլիացին ի-
րան պահում էր ամենաանքաղաքավար կեր-
պով. նա կամ ստիպում էր շանը թաշկինակը
բերել և կամ ինքը բարձրաձայն խօսում էր իւր
մօտ նստած անձանց հետ, այնպէս որ ո՛վ նը-
րան չէր ճանաչում՝ գարմացած լետ էր գառնում
և նայում այդ տարօրինակ երիտասարդի վրայ:
Հասկանալի է, թէ ինչ անհամբերութեամբ

բոլորն սպասում էին դուէտը լսելուն: Երեկոյթի
երկրորդ մասն սկսուեց. նուագախումբը նուա-
գեց մի փոքրիկ պիէս, լետոյ քաղաքագլուխը
իւր աղջկայ հետ մօտեցաւ ջահէլ երիտասարդին,
տուեց նորան նօտաները ու ասաց. «պարոն, հա-
ճեցէք այժմ դուէտում երգել». երիտասարդ ան-
գլիացին ծիծաղեց, ատամները բաց արաւ, վեր
թռաւ տեղից, մօտեցաւ պիւպիտրին և կան-
գնեց նրա առաջ: Քաղաքագլուխն ու նրա աղ-
ջիկը հետևեցին պատանի անգլիացուն: Ամենքն
էլ ականջները սրեցին: Երաժիշտը չափը որո-
շեց և նշան արաւ, որ սկսեն. անգլիացին նայ-
եց նօտաներին և, փոխանակ երգելու, յանկարծ
սարսափելի ձայներ սկսեց հանել: «Յ՛ձ՛, յար-
գելի պարոն, երկու նօտա ցած վերցրէք. դուք
պէտք է Օ-ից սկսէք, — զոչեց երաժիշտը:

Քայց փոխանակ Օ-ից սկսելու՝ նա հանեց
կօշիկներէից մէկը և խփեց երաժշտի գլխին,
այնպէս որ խեղճի մազերի վրայից պուզրը ցրիւ
եկաւ: Այս տեսնելուն պէս՝ քաղաքագլուխը մը-
տածեց. «էհէ՛, նրա ցաւը դարձեալ բռնեց», —
և շտապով թուլացրեց նրա փողպատը: Քայց
երիտասարդի գրութիւնը ոչ միայն չլաւացաւ,
այլ աւելի ևս վատացաւ. նա այդ միջոցին գեր-
մանբէն չէր խօսում, այլ մի ինչ-որ անհաս-
կանալի լեզուով բաներ էր ասում և վազվզում

դահլիճում: Այս անհաճոյ ընդհատումը վատ ազդեց քաղաքագլխի վրայ. նա, երկիւղ կրելով, թէ երիտասարդին մի որևէ անսովոր բան է պատահել՝ վճռեց շուտով բոլորովին բաց անել նրա փողպատը՝ ինչպէս պատուիրել էր ծերունին: Քաց անելիս՝ զարմանքից մնաց քարացած, երբ տեսաւ ջահէլ մարդու վիզն ամբողջապէս ծածկուած մուգ կինամոնագոյն մազերով: Փողպատը հանելուց յետոյ, պատանի անգլիացին, փոխանակ հանգստանալու՝ աւելի ևս մեծ մոլեգնութեամբ՝ սկսեց վազվզել և ցատկոտել դահլիճում:

Նա կատաղութեամբ բռնում էր իւր մազերը և քաշկուտում, և զարմանալի բան—նրա գեղեցիկ զանդուր մազերը կեղծ էին. նա այդ մազերը հանեց և շարտեց քաղաքագլխի երեսին: Գլուխն էլ նոյնպէս ծածկուած էր նոյն տեսակ մազերով: Ապա նա սկսեց վազվզել աթուռների վրայով, պիւպիտորը վայր գցեց, ջութակն ու կլարնէտը կոտրտեց և կատաղած զագանի պէս սկսեց ամեն բան տակն ու վրայ անել: «Ցունեցէք, բռնեցէք, — սաստիկ բարկացած գոռում էր քաղաքագլուխը.— նա խելագարուել է, շուտ բռնեցէք»: Քայց նրան բռնելը այնքան էլ հեշտ բան չէր, որովհետև այս անգամ նա հանել էր

ձեռնոցները և անգութ կերպով ճանկուում էր՝ ով որ փորձում էր մօտենալ իրան:

Ձեռնոցները մինչև այժմ ծածկելիս են եղել նրա սուր ճանկերը հասարակութեան աչքից: Վերջապէս մի քաջասիրտ որսորդ կարողացաւ նրան բռնել: Որսորդը այնպէս սաստիկ սեղմեց նրա երկար ձեռները, որ խեղճը հազիւ կարողացաւ ոտները շարժել, և մի խուպոտ ձայն արձակեց: Հասարակութիւնը սիրտ առաւ. շրջապատեց նրան և զարմանքով սկսեց նայել պատանի անգլիացու վրայ, որ այժմ մարդկային ոչինչ չունէր: Հիւրերի թւում պատահմամբ մի գիտնական էլ կար. նա ապրում էր Գրիւնվիլդէլի շրջակայքում և մի մեծ սենեակ լիքը հազուադիւտ բաներ ունէր, ի թիւս որոց նաև շատ կենդանիների և զազանների խրտուիլակներ: Նա մօտեցաւ արդէն կապկպած ջահէլ մարդուն, ու շարքութեամբ նայեց-նայեց նրա վրայ և գոչեց.

— Ատուճճ իմ, ինչպէս կարող էիք դուք, պարոններ, թող տալ այս զազանին մի այսպիսի պատուելի հասարակութեան մէջ մտնել: Սա Homo troglodytes Linnaei կոչուած կապիկներիցն է: Ես այս բոպէիս պատրաստ եմ վեց տալէր վճարել՝ եթէ դուք համաձայնեք նրան ինձ տալ:

Ո՞վ կարող է նկարագրել գրիւնվիլդէլցիները

գարմանքը, երբ լսեցին գիտնականի այս խօսքերը:

— Ի՞նչպէս, օրանդ-ուտանդ կապիկը մեք Հասարակութեան անդամ. ի՞նչպէս, այս օտարականը ոչ այլ ոք է, եթէ ոչ մի կապիկ: Անկարելի բան է... գոչում էին ամենքը և նայում միմեանց երեսին:

Ոչ ոք չէր ուզում հաւատալ ականջներին:

Տղամարդիկ ուշադրութեամբ նայում էին պատանի անգլիացուն, բայց աւանդ, նա այժմ մի իսկական կապիկ էր՝ ինչպէս որ էր առաջ էլ:

— Սակայն ի՞նչպէս կարելի է,— գոչում էր քաղաքագլխի կինը— միթէ սա էր որ յաճախ ինձ մօտ կարգում էր իւր բանաստեղծութիւնները: Միթէ սա էր, որ ուրիշների հետ միասին քանի քանի անգամ ճաշել է ինձ մօտ:

— Ի՞նչպէս, — ասում էր գարմացած բժշկի կինը. — միթէ այս կապիկն էր ինձ մօտ յաճախ սուրճի մնում, մարդուս հետ գիտնական գրօցներ անում, ծխում:

— Անկարելի բան է, կրկնում էին տղամարդիկ. — չէ՞ որ նա մեզ հետ կեցիլ էր խաղում և վիճում քաղաքական հարցերի մասին:

— Ի՞նչպէս, — գանգատում էին ամենքը. — միթէ սա էր, որ միշտ մեր պարահանդէսների ժամանակ պարերն սկսում էր... Կապիկ, անկարելի է. սա հրաշք է, սա մի կախարդութիւն է:

— Այո՛, սա կախարդական, սատանայական մի գործ է, — ասաց քաղաքագլուխը՝ ցոյց տալով փողպատը:

— Տեսէ՛ք, սրա մէջ է այն կախարդութիւնը, որ նրան մեր աչքում գրավիչ էր դարձնում: Փողպատին կարած էր մի լայն մագաղաթի կտոր, որի վրա դանազան օտարոտի նշաններով բաներ էր գրոտած. կարծեմ սա լատիներէն պէտք է լինի: Պարոններ, ձեզնից ո՞վ կարող է կարգալ, հարցրեց քաղաքագլուխը:

Քահանան, որ ուսումնական մարդ էր և յաճախ անգլիացու հետ շախմատ էր խաղացել և մեծ մասամբ վաստակել մեծ-մեծ գումարներ՝ մօտեցաւ քաղաքագլխին նայեց մագաղաթի վրայ և ասաց.

— Սրա կարգալը դժուար չէ, միայն տառերն են լատիներէն, իսկ ահա թէ ինչ է բովանդակութիւնը. — «կապիկը շատ ուշատ գուարձալի է լինում՝ երբ արգելուած պտուղի համը չէ առնում:»

— Այո՛, այս սատանայական խաբէութիւնը նոյնպէս կախարդութիւն է, աւելացրեց քահանան, և արժանի է մի լաւ պատժի, որ օրինակ լինի ուրիշների համար, ասաց քահանան:

Քաղաքագլուխը, որ նոյնպէս միւսնոյն կար-

Ճիքին էր՝ իսկոյն ուղևորուեց ծերունու բնակարանը:

Ամենքը արդէն ծերունուն կախարդ էին համարում: Աեց հոգի, կապիկը հետները, գնացին քաղաքագլխի հետ, որպէս զի բոլորի ներկայութեամբ ծերունուն հարցումիորձի ենթարկէին:

Մինչ այս մինչ այն՝ դատարկ տան առաջ ահագին բազմութիւն հաւաքուեց. ամենքը հետաքրքիր էին, թէ բանը ինչով կրվերջանայ: Եկողները առաջ ծեծեցին տան դուռը, յետոյ դանդը քաշեցին, բայց իզուր — ոչ ոք չբըււաց: Այն ժամանակ քաղաքագլուխը, սաստիկ բարկացած՝ հրամայեց դուռը կտորել, և ուղիղ մըտաւ տանտիրոջ սենեակը: Բայց այնտեղ ոչ մարդ կար և ոչ էլ մի աչքի ընկնող առարկայ, բացի մի քանի հին-ու-մին բաներից: Տան մէջ ոչ մի տեղ չկարողացան ծերունուն գտնել: Յանկարծ նրա աշխատութեան սեղանի վրայ մի փակ ծրարով նամակ տեսան, որի վրայ գրած էր քաղաքագլխի հասցէն:

Աերջինս շտապով բաց արաւ նամակը և կարդաց հետեւեալ տողերը.

«Իմ սիրելի գրիւնվիդէլցիք.

Երբ դուք այս տողերը կարդալիս կլինէք՝ ես արդէն ձեր քաղաքում չեմ լինի. սակայն դուք արդէն իմացած կլինէք իմ սիրելի

լի ազգականի ծագումն ու հայրենիքը: Թող այս կտակը, որ ես ինձ թույլ տուի ձեր վերաբերութեամբ՝ ձեզ համար լաւ դաս լինի, որպէսզի այսուհետև ոչ ոքի չստիպէք՝ ձեր հասարակութեան մէջ մտնելու: Ես իմ արժանաւորութիւնից ստոր բան էի համարում մասնակցել ձեր անվերջ բամբասանքներին և հետեւել ձեր անպատակ կեանքի ծաղրալի ձևին: Ուստի ես կրթեցի մի ջահէլ օրանդ-ուտանդ, որ փոխարինեց ինձ ձեզ համար և որին դուք այդչափ սիրեցիք: Մնաք բարեաւ. աշխատեցէք սրբան կարելի է շատ օգտուել այս գասից»:

Երկար և շատ երկար ժամանակ գրիւնվիդէլցիք չէին կարողանում մոռանալ այս լուստառակութիւնը: Բայց ամենից աւելի ամաչում էին Գրիւնվիդէլի երիտասարդները, որ ամեն բանի մէջ ձգտում էին կապիկին նմանուել:

Փոքր ժամանակից յետոյ նրանք նորից բարեկիրթ և վայելուչ մարդիկ դարձան: Եւ եթէ պատահում էր, որ մէկը նորից ընտելանում էր վատ և ծաղրալի կենցաղի՝ այն ժամանակ գրիւնվիդէլցիք նրան «կապիկ» էին անուանում: Իսկ օրանդ-ուտանդը, որ այնքան ժամանակ իբր պատանի անգլիացի էր ներկայացել՝ այժմ գտնուում է այն գիտնականի հայուազիւտ իրերի թւում: Գիտնականը կերակրում է

նրան, որոց է տալիս ամեն մի նորեկի, թող
է տալիս այդ կենդանուն զբօսնել բախում, ուր
նրան այսօր էլ կարելի է տեսնել:



1415

2013

